

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-14403/19
Sarajevo, 23.8.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na izgradnji i sanaciji pješačkih staza, trotoara, stepeništa i rukohvata

I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na izgradnji i sanaciji pješačkih staza, trotoara, stepeništa i rukohvata, broj obavještenja 422-1-3-182-3-84/19, objavljeno u „Službenom glasniku BiH – Oglasnik javne nabavke“, br. 47/19 od 12.7.2019. godine, dodjeljuje se ponuđaču: „Mont gradnja“ d.o.o. Sarajevo, ulica Trg nezavisnosti br. 9, sa ponudnom cijenom za ugovor u iznosu od 182.437,18 KM sa uračunatim PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. koja se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač dostavio dokumente tražene u tački 3.3. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

Obrazloženje

Odlukom broj 02/12-23-14403/19 od 03.7.2019. godine Općina Novi Grad Sarajevo pokrenula je postupak javne nabavke za izvođenje radova na izgradnji i sanaciji pješačkih staza, trotoara, stepeništa i rukohvata, broj obavještenja 422-1-3-182-3-84/19, objavljeno u „Službenom glasniku BiH – Oglasnik javne nabavke“, br. 47/19 od 12.7.2019. godine

Zapisnikom o otvaranju ponuda od 24.7.2019. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: „Mont gradnja“ d.o.o. Sarajevo sa ponudnom cijenom za ugovor u iznosu od 196.131,76 KM sa uračunatim PDV-om, „Ame“ d.o.o. Breza sa ponudnom cijenom za ugovor u iznosu od 199.852,89 KM sa

uračunatim PDV-om i „Sela“ d.o.o. Sarajevo sa ponudom u iznosu od 210.220,63 KM sa uračunatim PDV-om. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku i utvrdila da sve dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu ponuda te utvrdila grešku u obračunu ponuđača „Mont gradnja“ d.o.o. Sarajevo tako da nakon ispravke ponudena cijena za ugovor iznosi 200.433,17 KM sa PDV-om. Dana 30.7.2019. godine „Mont gradnja“ d.o.o. Sarajevo dostavila je obavještenje o saglasnosti ispravke računske greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Ame“ d.o.o. Breza sa ponudom u iznosu od 170.814,44 KM bez PDV-a, odnosno 199.852,89 KM sa uračunatim PDV-om, 2. „Mont gradnja“ d.o.o. Sarajevo sa ponudom u iznosu od 171.310,40 KM bez PDV-a, odnosno 200.433,17 KM sa uračunatim PDV-om, 3. „Sela“ d.o.o. Sarajevo sa ponudom u iznosu od 179.675,75 KM bez PDV-a, odnosno 210.220,63 KM sa uračunatim PDV-om.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 21.8.2019. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-182/19, Komisija je utvrdila da konačna rang lista izgleda kako slijedi:

1. „Mont gradnja“ d.o.o. Sarajevo sa ponudom u iznosu od 155.929,19 KM bez PDV-a,
2. „Ame“ d.o.o. Breza sa ponudom u iznosu od 156.100,00 KM bez PDV-a,
3. „Sela“ d.o.o. Sarajevo sa ponudom u iznosu od 179.675,75 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da cijena za ugovor ponuđača „Mont Gradnja“ d.o.o. Sarajevo iznosi 155.929,22 KM bez PDV-a, odnosno 182.437,18 KM sa uračunatim PDV-om, o čemu je ponuđač dostavio saglasnost 23.8.2019. godine. Shodno naprijed navedenom Komisija je u skladu sa članom 64. stav (1) b) kriterij najniža cijena donijela preporuku za zaključenje ugovora za predmetnu nabavku sa ponuđačem „Mont gradnja“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora „Mont gradnja“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Neira Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić